

& diebus: Vota quidem intelligens non ea quæ Monastica. in scripturis celebrantur, quæ liberè, spontè, ac deliberatè concipiuntur, in rebus honestis licitis & possibilibus, eum in finem, ut gloria DEI & commodum proximi queratur & promoveatur: Sed ea duntaxat, quæ à Pontificijs mandantur, quæ sunt coacta, temeraria, inconsulta, impia, superstitiosa: qualia sunt Vota Monastica omnia: de quibus per quàm & prolixè & accurratè disserit Confessio nostra Articulo sexto mutatorum abusuum.

91. Sic per traditiones de cibis & diebus intelligunt Confessores nostri Ieiunia Pontificiorum, quæ primùm vitiosa sunt quoad materiam. Nam Ieiunij ratio, qualis in sacris describitur, omnimodam requirit à cibo potuq; abstinentiam. 1. Sam. 7. Ionæ. 3. Pontificij vero cibos potumq; admittunt, imò (ridiculè) in ipso certorum ciborum delectu, Ieiunij vim ac substantiam penè omnem collocant.

92. Deinde Ieiuniorum usum scriptura nulli certo temporì, aut certis quibusdã diebus assignat: sed necessitatis casui, & periculorum ac calamitatum publicarum ingruentium momentis liberum ac proprium concedit. At Pontificij fixum, statum atque anniversarium Ieiunium, quod Quadragesimale appellitant, sub absolutâ necessitatis specie constituunt & urgent.

P P S

Cui

Discrimen  
Ciborum  
Pontifici-  
um.